



Anteproxecto de Orde dode...2015 pola que se desenvolve o Decreto 50/2015, do 26 de marzo, polo que se crea un instituto de educación secundaria no concello de Culleredo.

Por Decreto 50/2015, do 26 de marzo, crease o instituto de educación secundaria de Culleredo, por desagregación do IES Eduardo Blanco Amor da mesma localidade, con capacidade para 12 unidades de educación secundaria obrigatoria e 4 unidades de bacharelato.

Na disposición adicional única do citado decreto prescribese que o profesorado adscrito con carácter definitivo ao IES Eduardo Blanco Amor poderá adscribirse voluntariamente, de forma definitiva, ao novo centro nun número igual ao de prazas que se creen por cada especialidade, aplicando os criterios que establece o Decreto 140/2006, do 31 de agosto, polo que se determinan os criterios de perda de destino definitivo polo persoal funcionario docente que presta servizos nos centros educativos que imparten ensinanzas distintas das universitarias e o cómputo da antigüidade no centro en función das causas de acceso a el, e demais normativa de aplicación. Asemade, no suposto de que o número de persoas que solicitan a adscrición ao novo centro sexa inferior ao de prazas que se extinguen, aplicaranse os criterios que se establecen nos artigos 3.1 ou 4.1 do mencionado decreto.

Resulta necesario regular o proceso de adscrición do persoal docente dos corpos de catedráticos e profesores de secundario e do corpo de mestres. Para tal fin, é preciso publicar os cadros de persoal dos dous centros, con independencia do número de unidades que vaian funcionar no curso académico 2015-2016, debendo a xefatura territorial desta Consellería na provincia efectuar as adscricións funcionais que procedan ata que o novo instituto estea funcionando co número de unidades previstas no decreto de creación.

Na súa virtude, esta consellería de Cultura, Educación e Ordenación Universitaria

DISPÓN

Primeiro.- Persoal docente do instituto de educación secundaria “Blanco Amor” de Culleredo.

1. O persoal docente dos corpos de catedráticos e profesores de ensino secundario e do corpo de mestres con destino definitivo no IES Eduardo Blanco Amor de Culleredo, poderá adscribirse con carácter definitivo no novo instituto de educación secundaria de Culleredo, código 15032935, nun número por corpo e especialidade igual ao que se publica como anexo I desta orde. Esta adscrición terá efectividade do 1 de setembro do 2015.
2. De non existir suficiente persoal voluntario, deberá adscribirse obrigatoriamente ao novo instituto de educación secundaria de Culleredo, código 15032935, o persoal docente dos corpos de





catedráticos e profesores de ensino secundario e do corpo de mestres con destino definitivo no IES Eduardo Blanco Amor de Culleredo, que exceda por corpo e especialidade do número de prazas que se publican como anexo II desta orde.

3. Para estes efectos o corpo de catedráticos e o corpo de profesores de ensino secundario concorren ás mesmas prazas.
4. Non poderá participar no procedemento de adscrición regulado nesta orde o profesorado que non vaia ter destino definitivo no instituto de educación secundaria “Blanco Amor” de Culleredo a partir do 1 de setembro de 2015.

Segundo. Criterios de prioridade de adscrición.

A prioridade do persoal docente para adscribirse con carácter definitivo no novo instituto de educación secundaria de Culleredo ou para quedarse con destino definitivo no instituto de educación secundaria “Blanco Amor” de Culleredo, virá determinada pola especialidade da praza da que é titular e, en segundo lugar, pola aplicación dos criterios establecidos no Decreto 140/2006, do 31 de agosto, polo que se determinan os criterios de perda do destino definitivo polo persoal funcionario docente que presta servizos nos centros educativos que imparten ensinanza distinta das universitarias e o cómputo da antigüidade no centro en función das causas de acceso a el. Para estes efectos terase en conta que só un catedrático terá prioridade para adscribirse ao novo centro.

Terceiro. Procedemento de adscrición.

O persoal docente formulará a súa solicitude de adscribirse con destino definitivo no novo instituto de educación secundaria de Culleredo ou, de ser o caso, de manter o seu destino definitivo no instituto de educación secundaria “Blanco Amor” de Culleredo, nunha reunión convocada pola dirección deste instituto. A dirección do centro levantará acta da reunión, facendo constar a opción de cada unha das funcionarias e funcionarios docentes e remitirá a Dirección Xeral de Centros e Recursos Humanos da Consellería de Cultura, Educación e Ordenación Universitaria e unha copia á xefatura territorial desta consellería da provincia de A Coruña.

Cuarto. Efectividade da adscrición.

O profesorado que como consecuencia da aplicación da presente orde obteña destino no instituto de educación secundaria de Culleredo, código 15032935, quedará adscrito con carácter definitivo no mesmo con efectividade do 1 de setembro de 2015.

Quinto. Cómputo da antigüidade.

O persoal funcionario docente que como consecuencia do Decreto 50/2015, do 26 de marzo, polo que se crea un instituto de educación secundaria no concello de Culleredo e pola aplicación da presente orde, se adscriba con carácter definitivo ao instituto de educación secundaria de Culleredo, código 15032935, manterá,





XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA

Edificio Administrativo San Caetano, s/n
15781 Santiago de Compostela
www.edu.xunta.es

galicia

para todos os efectos de antigüidade no novo centro, a xerada no seu centro de orixe.

Sexto.- Publicación dos destinos no DOG.

A Consellería de Cultura, Educación e Ordenación Universitaria publicará no *Diario Oficial de Galicia* a relación do persoal docente que queda adscrito con carácter definitivo ao instituto de educación secundaria de Culleredo, código 15032935-

Disposición transitoria. Adscripción provisional.

1. Durante os cursos académicos nos que o instituto de educación secundaria de Culleredo, código 15032935, funcione con menos unidades das establecidas no artigo único do Decreto 50/2015, do 26 de marzo, o profesorado adscrito con carácter definitivo a este instituto poderá ser adscrito provisionalmente ao instituto de educación secundaria “Blanco Amor” de Culleredo, ou completar horario no mesmo.
2. A adscripción provisional será realizada pola xefatura territorial da Consellería de Cultura, Educación e Ordenación Universitaria da provincia de A Coruña, aplicando os criterios establecidos no Decreto 140/2006, do 31 de agosto, polo que se determinan os criterios de perda do destino definitivo polo persoal funcionario docente que presta servizos nos centros educativos que imparten ensinanzas distintas das universitarias e o cómputo da antigüidade no centro en función das causas de acceso a el.

Disposición derradeira. Entrada en vigor

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, de 2015

Román Rodríguez Martínez
Conselleiro de Cultura, Educación e
Ordenación Universitaria





ANEXO I

Código	Corpo	Denominación da especialidade	Nº prazas
597025	Mestres	Lingua estranxeira: inglés	1
597060	Mestres	Pedagogía Terapéutica	1
590001	PES	Filosofía	1
590003	PES	Latín	1
590004	PES	Lingua Castelá e Literatura	3
590005	PES	Xeografía e Historia	3
590006	PES	Matemáticas	4
590007	PES	Física e Química	1
590008	PES	Bioloxía e Xeoloxía	1
590009	PES	Debuxo	1
590010	PES	Francés	1
590011	PES	Inglés	2
590016	PES	Música	1
590017	PES	Educación Física	1
590018	PES	Orientación educativa	1
590019	PES	Tecnoloxía	1
590053	PES	Lingua Galega e Literatura	3

ANEXO II

Código	Corpo	Denominación da especialidade	Nº prazas
597021	Mestres	Ciencias Sociais: Xeografía e Historia	1
597022	Mestres	Ciencias da Natureza	1
597023	Mestres	Matemáticas	1
597024	Mestres	Lingua Castelá e Literatura	1
597025	Mestres	Lingua Estranxeira: Inglés	1
597027	Mestres	Educación Física	1
597060	Mestres	Pedagogía Terapéutica	1
590001	PES	Filosofía	1
590002	PES	Grego	1
590004	PES	Lingua Castelá e Literatura	3
590005	PES	Xeografía e Historia	3
590006	PES	Matemáticas	4
590007	PES	Física e Química	1
590008	PES	Bioloxía e Xeoloxía	1
590009	PES	Debuxo	1
590010	PES	Francés	1
590011	PES	Inglés	3
590016	PES	Música	1
590017	PES	Educación Física	1



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA

Edificio Administrativo San Caetano, s/n
15781 Santiago de Compostela
www.edu.xunta.es

galicia

590019	PES	Tecnoloxía	1
590053	PES	Lingua Galega e Literatura	4

ANPE GALICIA

